

c. 801 est optima pars, quae non auferetur ab eo, qui vestigia Christi in caritatis officio in hoc seculo omni studio amplecti intendit.

Intercedentem pro populo christiano sanctitatem vestram divina clementia exaudire dignetur, dilectissimi fratres.

220.

Alcvinus Adalhardum abbatem Corbeiensem hortatur, admoneat Bernarium fratrem suum, e coenobio Lirinensi a Carolo imperatore in aulam revocatum, ut ad monachos redeat. c. 801.

Cod. H fol. 45—46.

Edd. F 212, J 250. — Migne col. 462.

PIO PRUDENTI ATQUE RELEGIOSO FILIO ANTONIO¹ ALBINUS MATRICULARIUS SALUTEM. 10

2. Tim. 4, 2.

Quidam praedicator iuxta apostolum inportunus debet esse. Sic etiam quaedam caritas inportuna se minime grato ingerit auditori; nec spreta tacere novit. Quae etiam Cant. 8, 7. nec fluminibus obrui valet nec tempestatibus extinguere; ne semel accensa subito extinguatur.

Causa fuit huius cartulae, quam subnectere calamus meus curavit. Igitur fratres venerabiles et relegiosi de monasterio Hilirinae insulae ante paucos dies venerunt ad nos, omnia narrantes de illis prospera partibus. Sed et hoc addiderunt, quod filius meus, frater^a vester², cum abbate palatium adire iussus esset, secundaque ebdomada post pascha³ iter incepisse^b. Hoc te scire volui, ut provideas bono consilio, fratri tuo quid sit agendum. 20

Quantum meae parvitas consideratio perspicit, valde necessarium ei videretur, ut revertatur ad fratres suos; et ea vita vivat, in qua salvatus fuit de periculo mortis, in quo bene periit. Quid iterum regreditur, ubi propemodum perditus fuit? Non sit tibi durum cum Homero⁴ nostro consilium inire salutis^c perpetuae de fratre^d tuo; et mittere ad amicos vestros, qui sint in palatio, qui illum bonis erudiant consiliis, et revertendi ei licentiam inquirant; litterisque vestris illum admonere, ne dubitet animo, ne titubet gressus illius; sed unanimiter pietatem imperialem poscat regrediendi facultatem. 25

Credas velim has litterulas ex caritate dictatas esse, ut tu habeas mercedem et frater tuus salutem aeternam.

Vive feliciter in caritate Christi et omni religione sancta, fili carissime. 30

221.

Alcvinus Angilberto abbati de adversa valetudine scribit, pro litteris acceptis gratias agit suasque litteras ut cum Adalhardo abbate communicet rogat. Iordanis historiam ab eo petit admonitionesque addit. 801 post Apr. 4.

Cod. H fol. 46—46'.

Edd. F 215, J 164. — Migne col. 184.

35

220. a) fat H. b) incipisse H. c) salutes H. d) fratri H.

1) Adalhardo abbati Corbeiensi. 2) Bernarius, quem scimus postea a Ludovico I imperatore Lirinum remissum esse. V. Paschasii Vita Adalhardi c. 35 ap. Mabillon Ann. ord. Ben. saec. IV P. I, 322. J. 3) i. e. d. 11. — 18. Apr. 801. Cf. infra verba haec: sed unanimiter pietatem imperialem poscat. 4) Angilberto abbate S. Richarii Centulensi 790—814. 40